

Date – 22/05/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Education Minister Dr Vanlalthlanan Mizoram sorkarin Sorkar School Provincialise a a hlankai tharte chu kum 2023 notification hmanga ‘Criteria’ phakte an ni a ti.
2. MPCC Vice President Pu John Rotluanglianana, BJP in AAP an beih ang mai in sorkar lain amah an bei a ti.
3. International Day for Biological Diversity 2026 chu vawiin khan hman a ni.
4. Mizoram telin ramchhung State 10-a Rajya sabha seat 24 hnawhkhat turin June ni 18 ah vote thlak a ni ang.

<><><>

EDUCATION MINISTER PRESS CONF

Education Minister Dr Vanlalhlalan Mizoram sorkarin Sorkar School Provincialise a a hlankai tharte chu kum 2023 notification hmanga 'Criteria' phakte an ni tih a sawi.

Vawiin khan Aizawl Press Club-ah thuthar thehdarh tute kawmin Education Minister chuan, tunhnaia Council of Ministers thukhawm chuan School 51 chu Sorkar School ni turin a pawm, an zingah hian School pakhat Special Blind School, Durtlang ami chiah chu criteria phak lo a ni tih sawiin, anni hi chu vohbik enkawlina hmun niin khawngaihna leh ngaihnathiamna nen en an ni tih a sawi a ni.

Education Minister chuan an lak theihna dan ah hian 'Power to Relax' clause hman a ni tih sawiin, kum 2023-a enrollment criteria pha lo pawh kum 4 chhunga enrollment chawh rual -2025 enrollment leh 2026 enrollment atanga criteria an rawn phak chhoh chuan provincialised tur zingah telh an ni a ti.

Dr Vanlalhlana chuan Higher Secondary School zingah Ngopa HSS-in criteria 80% pass percentage leh enrollement 80/40 pha lovin pass percentage-a a phak lohna zawk hi ngaihdam a ni a, heti hian provincialisation atana Council of Ministers meeting-in a chhawp chhuah tak chu school 51 an ni ta tih sawiin, kum 2023 criteria pha si, kum 2026-a an enrollment tlaniam nasa ta lutukte chu school-ah kal chilhin, a hmunah en dik nghal an ni ang, a ti.

Education Minister chuan, tuna Adhoc School ni mek, provincialise theih tak lohte chu Special Category 1 School-ah dah an ni ang a ti a. Tuna Adhoc School-a thawk mekte hian zirtirtu nghet regular teacher ang chiahin 'Full Basic Pay leh Full Allowance' an la tawh ang a ti bawk.



SUPPLY MINISTER PRESS CONF

Food Civil Supplies & Consumer Affairs Minister Pu B Lalchanzovan tunhnaia Lunglei Dist. Truck Driver Association ten FCI a an bukna leh PDS a bukna in ang lo chu chinfel a ni tawh a ti.

Minister hian Lunglei tlawhin, Retailer te hlawh pawh tihsan chu a tul tih sawiin Card Var leh sen ah Kg-ah Rs 1.80 an hlawh thin chu reiloteah Rs 2 a tihsan a ni dawn a, Card eng leh pawl ah Kg a Rs 2.85 an hlawh thin pawh Rs 3 ah tihsan a ni dawn a, Carrying Bill pawh tihsan a ni ang a ti.

Mipui ten eirawngbawlina Gas leh buhfai buk diktaka an lei theih nan a hmalak chu a ngaih pawimawh a ni tih a sawi a, Oil chungchangah pawh mipui tan theihtawp a hmalak a ni a, West Asia a buaina avanga inventhawn thilah ruahmanna te siam a ni a, hetihlai hian nitin trip 40/50 vel chu a lo thleng reng a ni a ti.

Printing & Stationery Changtu Minister, Pu B Lalchhanzvova hian tukin khan Lunglei Circuit House-ah MJA te a kawm a, MJA te nen tha taka thawhho a duh tih sawiin Sorkar in ruahmanna hrang hrang a siam te mipui hmaah a tam thei ang ber a puanzar hmasak a, ruahmanna a chinchhuak a an hriat ve zel a duh tih a sawi.

Tuntum Lunglei a tlawh hian Printing & Stationery ram leh Bar Association ten an dil angin Court Building sakna tur Rhsiveng ami leh tun a DC Office Complex-a an awmna chu P&S nen ram inthleng tur a rawtna a rawn en tih a sawi a, Judiciary tih chak chu ram hmasawna tur anih avangin tun a hmun chep lutuk a an awm loh nan hmalak a ngai dawn a ni a ti a, hetihruah hian Minister hian Printing & Stationery chu tih chak tum a ni tih a sawi.

<><><>

MPCC

Mizoram Pradesh Congress Committee Vice President Pu John Rotluangliana chuan, BJP in AAP an beih ang mai in sorkar lain amah an bei a ti.

Vawiina an party Friday Political Session ah thusawiin Pu John Rotluangliana chuan Skywalk leh Ropeway chungchangah Anticipatory Bail a lak avangin tawngkam chhe tak tak ten an bei tih a sawi a, MNF sawrkar lai khan Skywalk leh Ropeway chungchangah ACB ah FIR an thehlut a, he thu kal zelah hian tunhnaiah an chargesheet dawn a, man hmingchhiat ngei an tum thu amah duhsaktu ten an hrilh ru a. Anticipatory Bail dil turin an ti a, ani chuan thil harsa turah pawh a ngai lova, amaherawhchu court ah sawrkar ukil ten an tikhawtlai sak tlat a, sawrkar ukil te chuan political pressure a nat lutuk avangin an object dawn tih an sawi hnu kar khat hnu lamah Anticipatory Bail a hmu ta chauh a ni a ti.

An chargesheet-na chu Tourism Information Center sakna tur sum Revise Estimate a siamtir tih leh, Rajiv Nagar ah Tourist Lodge sakna tur pawisa a divert tir tih a ni tih sawiin, central project Swadesh Darshan Project ah hian Mizoram tan Vaibelchhe 99 sanction a ni a, cheng Vaibelchhe 49 an hmu a. He project hnuaiyah hian Skywalk leh Ropeway bakah hna hrang hrang 8 vel a awm a ti a, hemi chungchangah hian beih tawk engang mahse cheng khatmah a eiru lo a ti.

He project hi an hnua sorkar MNF chuan chhonzawm duh lovin FIR te thehlut in harsatna te siam a nih tak avangin he project hi central sawrkar in an cancel niin Pu John Rotluangliana chuan a sawi bawk a, Mizoram sawrkar in cheng Vaibelchhe 50 lai a chan phah ta a ni a ti.

<><><>

INTERNATIONAL DAY FOR BIOLOGICAL DIVERSITY

International Day for Biological Diversity 2026 chu vawiin khan Aizawla Assembly Annexe Conference Hall ah hman a ni a, Environment Forest & Climate Change Minister Pu Lalthansanga chuan a hman pui.

Thusawiin Forest Minister chuan, thing leh mau humhalh chungin hmasawna kalpui thiam a pawimawh tih a sawi a. Ram dang atanga thing leh mau bakah nungcha laklulh aiin a tualto humhalh a, enkawl thiam a pawimawh tih a sawi.

Pu Lalthansanga chuan Nungcha leh thil nung chi hrang hrang humhalhna (-biodiversity conservation chu mipui kuta inngat a ni a ti a. Sawrkar hnuaia agency-te, zirchianna kalpuitu pawlte, tlawmngai pawl hrang hrang leh tualchhung mipuite chu lungrual taka thawh ho reng a ngai tih a sawi bakah, thalaite chu an chakna, ngaihtuahna thar leh an tumruhna chu nungcha leh thil nung chi hrang hrang humhalh nan a hmang a, sawrkar ruahmanna -policy mai ni lovin, a taka nitin nuna hman tur leh nunpui tlat turin a chah bawk a ni.

Mizoram State Biodiversity Board hmalaknain hmun hrang hrangah thilnung tinreng humhalha, awmze neia chhawr tangkai turin zirtir neih thin a ni a.

Vawiin hun hmanah hian EF&CC Principal Secretary Pu Sudhir Kumar an thil nung humhalh chungchang zirtirna a pe bawk a ni.

Kumin International Day for Biological Diversity 2026 thupui atan hian “Khawvela nghawng nei tura mahni awmhmun atanga chet lak” (Acting Locally for Global Impact) tih chu hman a ni.

International Day for Biological Diversity pual hian Khawzawl Wildlife Division chuan Govt. Khawzawl Higher Secondary School-ah Awareness Campaign a huaihawt a.

DFO Pu Lalnunthanga chuan thuchah sawiin Mizoram chu biodiversity hausa tak nei a ni a, tun thleng pawhin nungcha,

thing leh mau leh thlai, khawvel hmun danga la awm ngai lo hmuhchhuah belh zel a ni, a ti a. A hausakna haichhuah zel chu thangthar te kutah a awm thu sawiin, a hlutzia hrethiama ramngaw leh nungcha awm ang te thahnemngai taka humhalh a tul a ti a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



TRAI PROG

India rama Telecom service lama thuneitu sang Telecom Regulatory Authority of India (TRAI) ten Consumer te hriat tur thil hrilhna hun vawiin khan Serchhip Sub Hqrs YMA Conference Hall a an hmang a,

Serchhip Bawrhsap Pu Paul L.Khuma chuan Mizorama a vawi 3 nan Serchhipah hetiang Programme tha leh hlutak hi buatsaih a ni a ti a, Serchhip District mipuite chu ziak leh chhiar thiam tamna Dist niin mi hawihhawm leh chenpui nuam civic sense nei tha an ni a ti a, , Telecom Regulation Act hnuaihhian Consumer ten dikna chanvo tamtak an neih chu lekhathiam ber District nihna angin, dan hnuaiyah felfai leh zahawm taka complaint na chang hriat a ngai a ni a ti.

Serchhip SP Pu Gavit Gogna pawhin thusawiin tunlai khawvel thiamna sang tawh tak karah Telephone leh Internet hmangtu Consumer ten anmahni hming leh nihna diktak hmanga Simcard an neih a pawimawh thu leh chu chuan Mobile phone tih bo leh inbumna hrang hrang Cyber Security & Cyber Offensive thleng thin lakah Police te tana hnuchhui a ti awlsam bik thin a ni a ti.

He Programmeah hian Jt.Adviser,TRAI Ashim Dutta leh Mizoram a Telecom lam hotute atangin mipui te hriat tur hrang hrangte sawifiah anih bakah'Cyber Crime Awareness' neih nghal a ni a, he huna kalkhawm ten Telecom Service provider hrang hrang hnena an hriat leh zawhna leh chhanna hun hmanho a ni bawk.



RS ELECTION

Mizoram telin ramchhung State 10-a Rajya sabha seat 24 atan June ni 18 ah vote thlak a nih tur thu Election Commission chuan vawiin khan a puang a.

Hemi chungchanga Election Commission in hriattirna a tihchhuahahinthlan hriattirna hi June ni 1 ah tihchhuah tur a ni a, Juner ni 18 ah vote thlak tur a ni a, hemi ni vek hian vote chhiar nghal tur a ni dawn a ni.

Rajya Sabha member thlanna hi Mizoram, Andhra Pradesh, Gujarat, Karnataka, Rajasthan, Madhya Pradesh, Jharkhand, Manipur, Meghalaya leh Arunachal Pradesh ah te neih tur a ni dawn a, Rajya Sabha member kalchhuaktur zingah hian Prime Minister hlui H. D. Devegowda, Union Minister George Kurian leh Ravneet Singh a te an tel a, Mizoram ah chuan Pu K Vanlalvenan a term a zo chiah dawn a ni.

